

# INUIT ATAQATIGIIT INATSIARTUNI



UKA2022/Imm. 84

Eqaluk Høegh

Novemberip 8-at 2022

**Uunga siunnersuut: Kalaallit Nunaanni Danmarkimilu ilinniartoqarfiit peqqinnissamut tunngassutillit akunnerminni suleqatigiinnissamut isumaqatigiissusiornissaannut suliniuteqartoqassagaluarpat pitsaaqutit iluaqutissallu misissornissaannut suleqatigiissitamik pilersitsinissamut Naalakkersuisut peqquneqarnissaanik Inatsisartut aalajangiiffigisassaattut siunnersuut. Suleqatigiinnissamut isumaqatigiissut sumiiffinni nittartagaq aqutigalugu ilinniakkanik qaffassarnerit pikkorissarnerillu atorneqarsinnaaneri qulakkiissavaat. Tamanna inuiaqatigiinni sumiiffiit ilaanni isumaginninnikkut peqqinnissatigullu immikkut ilisimasalinnik pisariaqartitsinermut naaperiaataassaaq. Suleqatigiissitap suliani UKA 2023-mi naammassisimassavaa.**

Inatsisartunut ilaasortaq Anna Wangenheim, Demokraatit

## **Oqaaseqaat:**

Siunnersuuteqartup siornatigut § 37 aqutigalugu apeqqutinik assigiinngitsunik matumanilu sammisarput aamma pillugu Naalakkersuisunut apeqquteqarnikuusimavoq. Naalakkersuisullu siunnersuuteqartup apeqquteqarsimaneranut atatillugu ersarissumik ilaatigut akissuteqaatigaat kalaallit peqqissaasut nunarput qimangikkaluarlugu ilinniaqqinnissaannut tunngatillugu inatsisitigut aporfilersugaanngitsut. Kiisalu aamma Naalakkersuisut oqaatigaat kalaallit peqqissaasut ilinniaqqinnissaannut attaveqaatit atorlugit ingerlanneqartartunut ilinniaqqinniarlutik aningaasartuutaasussat akuersissutigineqarnikuusut. Naatsumik oqaatigalugu

# INUIT ATAQATIGIIT INATSISARTUNI



taava periarfissat killilersugaanatillu aningaasalersorneqareerput - peqqissaasutut ilinniaqqinnissamut attaveqaatit atorlugit ingerlanneqartartut aamma eqqarsaatigalugit<sup>1</sup>.

Inuit Ataqtiginiit Naalakkersuisut nersualaarusuppagut peqqinnissaqarfimmi sulisut siunissami aamma piginnaasannorsarneqartarnerat pikkorissarneqartarnerallu pillugit ilinniarfeqarfiit assigiinngitsut suleqatiginerisigut periarfissat suli annertunerusumik inerisaaqqinnikkullu periarfissanik annertusaanerit pillugit suliniuteqalereersimallutik oqariartuuteqarmata.

Assersuutigalugu oqaatigineqarpoq Peqqissaanermik Pinngortitalerinemillu Ilisimatusarfiup peqqissaasunut ilinniaqqinnerit nukittorsarniarlugit misissuileruttornera - taassumunngalu atatillugu aamma ilinniarfiit tamalaat oqaloqatiginerisigut minnerunngitsumillu Dronning Ingridip Napparsimavissuata ataatsimeeqatiginerisigut suli ilinniaqqinnerit pikkorissaanerillu allat misissornissaat tunaartaralugit suliniuteqarnerat.

Peqqinnissaq pillugu ataatsimiitsitaliarsuup upernaq suliarnik killiffissiuimmat ilaatigut oqariartuutigaat ataqtigiissumik siunissamullu isigisigisumik peqqinnissaqarfipput pillugu ilinniartitaanikkut kiisalu piginnaannorsaaasarnarillu aamma eqqarsaatigalugit ataqtigiinnerusumik nunatsinnullu pissutsinut atuuttunut naleqqunnerusumik ineriartortitsisoqarnissaa pilersaarusiortoqarnissaalu pisariaqartoq.

Peqqinnissaq pillugu ataatsimiitsitaliarsuup ajornartorsiut taanna pillugu inaarutaasumik isumaliutissiissutissami siunnersuutissanik tikkuussisoqarumaartoq naqissuserpaat.

---

<sup>1</sup> akissut § 37-apeqquteqaat nr. 006/2022

# INUIT ATAQATIGIIT INATSISARTUNI



Suliassaqarfimmi suleqatigiinneq ingerlanneqalereersoq tunngavilersuutigalugu, minnerunngitsumillu Peqqinnissaq pillugu ataatsimiititaliarsuup suliamik ingerlatsinerat ataqqillugu siunnersuut una itigartinneqassasoq Inuit Ataqatigiit inassutigissavaat.

Siunnersuut una itigartinniarpaput. Allaffissornikkut annertusaaneq pisariaqarsorinnginnatsigu. Kisianni siunnersuuteqartup siunertarpiaa – tassalu najugaq, suliffik ilaquttallu qimannikkaluarlugit attaveqaatit atorlugit piginnaangorsaqqissinnaaneq taassumunngalu pineqartut periarfissaqarluarnissaat Inuit Ataqatigiinniit qulakkeeqataaffigiumavarput. Taamaattumik suliniutit allat Naalakkersuisut oqariartuutigisaat – ingerlareersut – Naalakkersuisut qanimut oqaloqatiginerisigut – siunnersuuteqartup siunertaa aamma pillugu ataatsimiitsitaliamiit periarfissarsioqatigiinnissarput pingaartillutigu – siunnersuut una ataatsimiitsitaliamut suliasanngortinneqaqqinnissaa inassutigaarput.